


大寶積經

第十三

七十四
師三

4752/



佛日增輝
 慧輪常轉
 山戒州平安寺法金剛院置

重脩
 日重脩

大寶積經卷第十三

西晉三藏竺法護譯

密迹金剛力士會第三之六



於是密迹金剛力士所願已備得受佛決所
望已畢欣然大悅叉手白佛言唯佛大聖就
我曠野之界鬼王國土在密迹宮舍七日受
請諸菩薩等及大聲聞唯見垂愍願意不忿
當於佛所在於曠野鬼王土地在於鄙舍垂
意小食化鬼神衆妖魅反足之物捷沓和摩
休勒及餘所居衆生見如來尊聽聞斯經法
長夜安隱無有衆患一定無難便當棄捐瞋
恚毒害無懷逆心其四天王一切眷屬遊在

曠野鬼神王界若見如來聞所說法常獲安
和不遭危難時佛嘿然受密迹請七日供養
用愍念故并欲開化無數衆生使植德本介
時密迹見佛嘿然以受其請歡喜踊躍稽首
佛足右遶三匝禮退而去忽然不現還曠野
國因歸其宮時密迹力士心自念言當爲大
聖莊嚴宮殿欲行天人色行天人得未曾有
十方世界諸菩薩等皆當歡喜心自念言吾
憶識念往故一時夜懷志願所尊道法不可
思議今亦當然即時三昧正受宣不可限彼
時高座無央數億百千兆載師子衆座自然
普現以寶作脚及奇珍欄楯以百千天衣而

布其上清淨妙華真珠瓔珞在八交道以寶
蓮華覆蓋其上適三昧正受東方去是江河
沙佛國有世界名無量寶德淨佛号淨王當
致彼淨王如來所莊嚴淨師子之座欲授万
菩薩決其佛國土所見嚴淨越無央數諸天
人民所有嚴淨我今寧可往彼佛土莊嚴高
座尔時密迹力士以淨寶王三昧正受通三
昧已自然莊嚴現好高座高廣好淨如無量
寶德淨佛土師子高座等無有異忽然以至
在於曠野鬼神界土所施高座巍巍如是甚
高曠長東西二千四百八十里南北千二百
八十里細琉璃水精車磔為地吉祥藏寶無

量名香雜香熏之豎立無數衆寶香鑪燒殊
妙香散諸天華若干品物極好魏魏光色煒
曄可悅人心安和其身從心應時行菩薩法
不失其節功勳無際所歎妙德而無崖底又
其高座所化自然有億百千垓不可計數諸
師子座以寶爲脚寶爲欄楯無數天衣而布
其上諸寶蓮華淨珠校露立八交道以用衆
寶而布其上建在地上一切普具於時密迹
力士如是比像不可思議設諸高座高廣嚴
淨殊特無量師子之座安然庠序從三昧起
即於宿夜設若干種甘饍飲食尊奉菩薩和
調性行興發如來報應之果衆供已辦夜未

向明告四天王諸人當知世尊今日詣我宮
食請竟七日諸菩薩衆及諸聲聞皆當來集
仁等恭恪設無放逸大聖難遇億世時有成
皆一心捨俗慕道恭恪奉事除去生死弘慈
至道時亦難遭法不可聞三界無怙唯道可
恃普如虛空無所復礙勿懷亂心爲放逸行
眷屬徒使妻子僕從供養七日勿倚身心唯
道爲本莫順他業損違道教專精一心供養
如來常當下意加敬無二今其曠野鬼神
之
處王者土地鬼神妖魅反足諸鬼捷沓和等
皆歸命佛密議道法其四天王及餘衆生皆
不失時普蒙濟度諸仁當了已請天尊誓首

歸命供養佛已勤聽經典宣布八方使一切
蒙乃報佛恩尔時密迹力士有一太子名曰
密兵而告之曰汝往遍令地神及虛空神告
四天王忉利天焰天兜率天無憍慢天他化
自在天上至魔天各令使知世尊今日在於
曠野鬼王土界受密迹金剛力士請於宮舍
當就飲食菩薩聲聞亦復爾然若欲見佛聽聞
道教咸皆往至太子金剛兵受教宣命須臾
今遍其第二子名曰善分而告之曰子汝今
自往已力神足告諸梵天梵迦夷天梵滿天
梵度著天大梵天有光天少光天無量光天
光音天清淨天少淨天無量淨天淨難逮天

淨離穢天順行天少順行天無量行天行果
實天亦然天於是天善願天善現天至一善
天悉遍命之今日世尊遊於曠野鬼王國土
密迹金剛力士宮舍就請諸人欲見悉共往
會善分受教宣命如是須臾之頃欲行天色
行天人皆共集會在於虛空廣縱四万里上
下俱然亦四万里周遍諸天各次第坐於是
密迹金剛力士莊嚴場地供膳辦已叉手向
佛所在遙啓白言今時已到願佛大聖垂光
迴意而說頌曰

丈夫尊雄屈 人中上願願 蓮華正士發
大聖人時到 兩足尊枉神 大人聖祠祀

人中尊屈意

聖明時以至

戒如蓮華盛

精進轉增長

覆護上慙愧

最勝唯願意

建立於聖諦

慈哀加弘恩

無我無所施

最勝師子願

戒行博聞業

茂盛覺意華

解脫具足實

殊勝樹願來

功勳海唯枉

其意深且廣

清水定為意

熾盛精進業

奉克道場業

智慧瓔珞嚴

明本慧開覺

聖達降慈願

第一明無動

以藥樹療病

學不學盛明

最勝唯屈神

於是世尊見密迹金剛力士白時已到告諸

比丘皆早嚴服著衣持鉢并勅護寺密迹金

剛力士來啟時到各自建行七日就請其諸

聲聞衆菩薩等若得神足以已神力往追侍
佛其無神足入如來光承其威明佛愍念之
皆得往就於時世尊適發進路諸菩薩等皆
前而導諸聲聞衆在後侍從諸天龍神華香
妓樂在虛空侍諸天玉女而嗟歎佛因說頌曰
歡喜發光明 妓樂自然鳴 震動佛刹土
天雨於衆華 佛之大威德 神足度無極
聖變化無限 娛樂佛無底 佛吉祥無際
佛神聖無量 佛威儀無底 佛功勳無限
遊靈鷲之山 在於八山中 於上虛空中
無礙如鷹王
於時欲行天人色行天人見佛世尊從虛空

來猶如日光現於水中如月盛滿衆星獨明
猶若天帝諸天中尊若如梵王照乎衆會見
是變化大悅欣然雨天青紅黃白若干諸雜
蓮華供養散佛意華大意華柔軟華大柔軟
華晝夜樹華有果大寶及諸轉輪王離垢之
華百葉千葉又百千葉樂歡喜生味興起光
照一切香華善妙香常熏香烏虛延香常有
華樂眼目樂如是衆華興雲致雨雨衆雜香
鼓天妓樂諸天王女眷屬百千余時須臾至
於曠野鬼王國土毗沙門天王界在其宮殿
一切聲聞諸菩薩衆眷屬圍遶佛適下任地
大震動光照十方安和柔軟不燒衆生時四

天王見佛世尊到大曠野鬼王之國速疾速疾與其宮人及諸眷屬華香雜香澤香繒綵幢蓋妓樂行列吹貝各持此供往詣佛所稽首佛足遶佛三帀却住一面以持所賫供散佛上見佛大悅心中欣然供散佛已却住一面叉手自歸尔時世尊因四天王應病隨時班宣經法万三千鬼神妖魅厭鬼之屬皆發無上正真道意一万玉女亦復發是無上大意時密迹力士與宮人綵女諸子眷屬華香雜香擣香幢蓋妓樂從其宮中詣毗沙門天王宮舍至世尊所稽首佛足右遶七帀各從所執皆供散佛上毗沙門天王宮中次第而

坐鼓衆伎樂自入清淨心無所著所將侍從
各自就座如來高座獨顯巍巍清淨妙極密
迹諸子舉所莊嚴校露之帳師子高座從虛
空下安著于地寂然不動諸菩薩衆及諸聲
聞故坐本位時欲行天人色行天人覩其設
座高廣嚴好得未曾有恠之難及心自念言
密迹力士荷所得覩斯寶高廣師子之座玄妙
無極殊特難喻於時承佛威神於虛空中自
然聞音仁欲知者東方去是界分過江河沙
諸佛國土有世界名無限淨佛号淨王如來
至真等正覺密迹金剛力士曾見其土微妙
嚴淨今以法故遣此殊妙巍巍高座時佛

適入上處師子高廣之座應時曠野鬼王國
土鬼神妖魅反足之鬼捷沓和迦樓羅真陀
羅摩休勒往詣佛所稽首足下退住一面叉
手歸佛尔時密迹金剛力士語四天王及諸
來會諸賢屈意咸共和心飲食已辦各手斟
酌勤供養讚佛菩薩聖衆所以者何如佛所說
若能歡悅佐助興功供養蒙祐得福無量
於本施主其福不減諸仁者等以是勸助
佐其所施得受功祚不可限量於是密迹金
剛力士與其宮人姝女一切諸子及諸眷屬
手自斟酌百種餽饌不可計味心佐開士求
如來福供養大聖加謙恪心佛及菩薩諸聲

聞衆皆悉充滿飲食畢訖行澡水竟密迹金剛力士更取小牀於佛前坐白世尊曰唯加弘慈應時演法宣入法門使衆生類了於道心無所從生其未發心興斯道心已發道心至不退轉今此鬼神妖魅捷杳和等長夜永安使無衆患多所安和多所愍傷諸天及人三界衆生得殊特願與世超絕今時世尊告密迹金剛力士及諸大會諦聽諦聽善思念之若族姓子族姓女行入法門堅住於斯至殊特願無所分別不至損耗密迹力士與諸大衆受教而聽佛告密迹力士若族姓子及族姓女當奉篤信善從道法多諸順宜欲見

賢聖樂聽於法心不慳嫉不縮財業舒手布
施捨俗所習好所施福不望其報心不懷害
其志清淨專精一心而不暴亂信報應果好
喜真業不以狐疑未曾猶豫覩清白理知不
亡果寧失身命不犯非義仁慈不殺不與不
取不爲邪淫不犯妄言兩舌惡口綺語嫉妬
恚癡不犯十惡身行十善亦勸人行常奉等
信見諸沙門奉戒具法勤精修行志存思道
常應義節寂然調和心存悞怕受無所著不
受邪語志性仁慈棄捐惡法行不卒暴明如
炬火不愚如狩言無所毀心性平和絕却睡
眠棄唐突心捐其重檐數數惠施見諸善友

一切諸佛及佛弟子常行恭敬如是比像常
追侍從沙門梵志謙下作禮習與相隨不失
其意常奉斯等諸善知識以愛樂故加用法
施救濟危厄以班宣法而勸化人演所報應
施致大富持戒生天博聞大智修行合道各
爲說報布施大財慳貪餓鬼持戒忍辱精進
一心智慧稍入道無犯戒地獄瞋恚醜陋懈
怠廢道亂意惰罪愚癡投冥是爲由身由言
由意惡行之報是身口意善惡之果犯是三
事長夜不安投於地獄餓鬼畜生護斯三業
生天人間十方佛前長夜永安無有衆患各
爲開示罪福之報善惡所趣若見應器爲演

深法空無相願行無所行至無所至無我無
人無壽無命分別幽奧十二緣起若倚是事
便有生矣若不倚是則無有生從是致是不
從不致從無明致行從行致識從識致名色
從名色致六入從六入致更從更致痛從痛
致愛從愛致取從取致有從有致生從生致
老死從老死合大苦陰成四大身癡滅無行
行滅無識識滅無名色名色滅無六入六入
滅無更更滅無痛痛滅無愛愛滅無取取滅
無有有滅無生生滅無老病死大苦陰合不
受四大則常永安長無眾患以滅盡者則無
所有所以者何起是生是無是則無猶如種

樹始生芽根莖節枝葉華實拔樹無芽何從
有是莖節枝葉華實解無無明心無所著則無
牽連十二緣起皆從緣對無緣無對一切三
界皆悉本無悉從無生從有而死不達無故
謂有致生不知有空荷是我故便致死矣解
無不生了有不死為罪所追塵勞所逮顛倒

苦惱癡冥不實為宣真諦應其儀節所觀如
法而於諸法無所造作不得所造則不有退
亦不無退不有往來周旋之難假使意法意
無所著信受本空一切諸本悉淨恬怕置是
人者若菩薩大士常得見佛未曾遠離不失
聞法不違聖眾在在所生常見諸佛雖有所

生不生無佛之土生以見佛行無放逸慕求
真正精進之法勤修此已不用家業善奉淨
行不用妻子男女奴婢僕使守護宅舍速疾
持法無以戲逸自恣愛欲諸佛世尊所施言
教以篤信故捨家爲道信捨家已爲善親友
真正伴侶以受真業性行微妙聞玄妙法以
行爲要不歸嚴飾覺意第一而不厭足求於
博聞如所聞法廣爲人說無異養心不以已
言有所依仰講說經典從所聞慧因其行任
而爲人說使聽法者興隆大慈而於衆生發
無益哀以致博聞無所愛恠不貪身命少欲
少求而知止足以善重業至使供養好樂閑

居專精守節從所聞法觀其義趣自歸正義
思惟奉行不歸嚴飾其所道御天上世間不
但爲己而有所行爲衆生故求上大乘至慕
佛道自在之乘成無放逸何謂無放逸以達
境界眼不見色不受妄想不著文飾了色之
難雖以慕樂便捨之逝曉之本無若耳聞聲
鼻香衆想舌嗜美味身更心法亦復如是所
言無逸已心無生護他人心棄愛欲樂入於
法樂不行欲想無瞋恚想及危害想無貪瞋
恚愚癡之業無是惡本身不行惡口不說非
心不行穢不爲反念不犯一切諸不善法是
曰無放逸以無放逸常應節行曉了有無知

無無有彼何謂有何謂無行平等者有賢聖
脫修邪行者無賢聖脫又次亦有罪福之報
或有無罪福之報或有眼或無眼或耳鼻舌
身或有意或無意又能了色無常苦空別離
之法是謂名有志學於道計色有常長在永
立無別離法以無平等任有是念故有痛想
行識有了無常苦空別離之法又從無明緣
便生不善若無無明則無有行從生緣故有
老病死若無生緣便無老病死施致大福貧
無放捨窮有貪嫉慳無大財奉法至道不順
義則不至道業精進菩薩得至大慧懈怠菩
薩不得至道不自大者真得異決其貧高者

不至滅度若普入寂至於空無計吾我人貪
身壽命不至道慧是爲人者應順時儀佛言
若族姓子族姓女修普明智或致所知若在
於世若無於世普智計斯不有所知彼有天
食而無所著若無天食亦無所著一切如來
皆以敷演入於順義一切諸法如來明證下
四法故何謂爲四一曰一切万物皆歸無常
二曰一切諸有悉爲苦毒三曰一切諸法皆
無有我四曰一切有形悉至於空無爲泥洹
寂所以言曰一切万物皆歸無常衆生愚惑
自想有常如來說法斷諸計常一切所有悉
爲苦毒衆生闇塞計想有樂故爲說法斷除

諸樂一切諸法皆無有我而衆生心計有吾
我故爲說法斷諸我想一切有形悉歸於空
衆生沉冥反想悉有故爲說法斷有著想寂
然泥洹一切衆生懷自大者如來說法使自
大者不復貢高捐去倚著以聞無常解音悉
空尔乃曉了無常之義其義何謂都不生不
增不起不滅是乃名曰入永無常以聞苦音入
除所願五陰空無所起是名曰苦義以聞諸
法皆無我音奉空脫門於我不我無是二相
是非我義以聞泥洹寂志造無想不然不滅
爲都滅定無終始是乃名曰解了空義不以
無相而爲取證如是賢者若有菩薩能行是

者未曾違失一切諸行道品之法以無相行
普周備悉諸佛道法三十七品於時世尊在
密迹金剛力士宮殿應病演法尋時彼會二
万天人皆發無上正真道意不可計人悉受
五戒余時四天王前白佛言唯哀愍說我等
云何護於世間佛告四天王仁等宜以當行
十法護於衆生何謂爲十一曰不害一切命
類二曰不竊取他財寶三曰不犯他人妻室
四曰不兩舌鬪亂於人五曰不妄言欺詐於
人六曰不惡口以辭傷人七曰一切所說未
曾綺飾八曰不懷嫉妬生彼此心九曰在於
善惡業不發瞋恚十曰常修正見不隨邪疑

是爲十諸仁者等以是十事護於世間乃應
法教佛復告四天王又諸仁者復有八法護
於天下何謂爲八一曰言行相應未曾相違
二曰奉敬尊長不懷輕慢三曰言辭柔軟不
宣僣獷四曰謙下恭順常執遜意五曰常行
質朴不爲諛諂六曰常修仁和而無佞飾七
曰一切諸惡悉無所犯八曰以諸德本將順
世間是爲八佛告四天王復有六事護於天
下何謂爲六一曰身常行慈不害衆生二曰
口宣仁慈不演惡言三曰意念慈心不施增
損四曰以得利養等御於業五曰等護禁戒
而無所犯六曰等以正見開導曲戾是爲六

佛告四天王復有四事常爲法首護於世間
何謂爲四一曰有所立行未曾貪嫉二曰不
懷瞋恚加害於人三曰不用愚冥蔽加不逮
四曰所行至處不懷恐懼是爲四事佛告四
天王復有二事以用護法世間人民何謂爲
二一曰慙耻從無數劫不應道法二曰懷愧
自責不深入法救護一切是爲二佛言諸仁
當行是法以護天下以能建立如是法行乃
能護世間尔時密迹金剛力士以寶校露用
音覆佛復白佛言菩薩云何無瞋恚法至於無
上正真之道佛言族姓子菩薩有十事行無
瞋恚法至無上正真之道何謂爲十一曰常

行慈心不犯傷害二曰不馱衆難常修大哀
三曰所作事業常勤精進而有所殊特四曰常
奉空行逮致三昧五曰從因緣發入於智慧
六曰以權方便普入一切七曰解達三世淨
過去來今八曰以真諦見無所罣礙九曰遵
奉道業入一切法十曰一切諸法皆悉歸空
是爲十密迹金剛力士復白佛言菩薩有幾
法聞佛不可思議法不以恐懼佛言族姓子
菩薩有八法聞佛不可思議心無恐懼何謂
爲八一曰所造功德常能究竟二曰一心禪
思暢達不亂三曰以爲善友而見將順四曰
心常篤信樂微妙法五曰以解諸法悉如幻

化六曰曉一切法不可思議七曰而了諸法
不可成就猶入虛空八曰暢一切法誑惑放
逸虛僞之相是爲八密迹金剛力士復白佛
言何謂菩薩而得自在於一切業開士之法
佛言菩薩有四事法而得自在何謂爲四一
曰遵行如幻三昧暢一切法入五神通而特
超越二曰以三脫門過於四禪三曰以智度
無極修四梵行四曰行權方便具六度無極
是爲四密迹金剛力士復白佛言菩薩有幾
法入於法門佛言族姓子菩薩有四事法入
於法門何謂爲四一曰入禪思門具足曉了
一切衆生根本二曰入智慧門分別一切章

句義理爲衆敷演三曰入揔持門一切所執
常念不忘四曰入辯才門因能可悅諸衆生
心是爲四密迹金剛力士復白佛言菩薩爲
有幾力致開士行又斯道力無能當者降伏
衆魔佛言族姓子菩薩有八力莫能當者降
伏衆魔何謂爲八一曰道心之力性行清淨
二曰精進行力而不退轉三曰博聞行力奉
無極慧四曰忍辱行力護衆生故五曰無所
生力不懷瞋恚六曰不虛妄力具足解脫七
曰修道行力備悉智慧八曰以大哀力開化
衆生是爲八佛說是法時密迹金剛力士及
五百子悉逮得無所從生法忍以得法忍前

白佛言唯願大聖以是八法經典之要使流
天下用愍我等是密迹宮使自然廣以是德
本光明普照如來滅已令遍流布而不沒盡
於時世尊觀密迹諸子等心中所念勸助啓
佛佛告密迹金剛力士密迹堪任斯諸章句
我詣佛樹下汝於彼時與諸菩薩魔將兵來
卿以威勢至擁護我故降魔兵即時相念諷
誦通利今復當護將來末世令法流布遍閻
浮利周於十方今所施教使法久存持制一
切諸外異學於時密迹金剛力士觀佛世尊
以見勸告即從座起長跪叉手應時於是言
辞章句用宣呪曰

醯黎

休留休留

其強颺聚

各羅眼動搖歸救

忍力力盡

寂怕作角鴉伊利牛住丘住犁住犁

護無擇

往勝生往還無曲以慈受之調和成施持已

諸天龍告鬼神捷杳和妖魅若人非人常吉

安隱動於山王亦震大地亦擾水王用說此

呪故攝伏外道法君所救晃耀法炎篤信是

句聞此呪已諸天衆各各舉聲而歎曰

正法住甚久

動三千佛土

一切衆會同

自投人王前

歸命使無罪

施此無恐難

甚持是言教

今正法永存

尔時世尊從曠野鬼王土密迹金剛力士宮

受供七日開化無數衆生七日之中忽沒曠

野宮踊在虛空與諸菩薩及聲聞衆一切諸
天於上普共供養佛及聖衆諸玉女衆咸共
咨嗟演大光明諸天人伎百種自鳴空中兩
華佛土大動顯佛大變佛沒密迹力士宮殿
猶鳳凰王還任靈鷲山佛在靈鷲山與比丘
衆俱及諸菩薩眷屬周旋各思道教尔時王
阿闍世出羅閱祇太城與篤信慕樂長者梵
志俱一國人民聞佛還國各集晡時亦出其
城往詣靈鷲山到佛所稽首佛足右遶七匝
却住一面王前白佛我曾立坐有所參議時
諸比丘到太子所口自宣言今日世尊往到
曠野鬼王土界詣密迹金剛力士舍食唯然

世尊我得聞是恠之難及至未曾有諸佛世
尊不可思議乃能大哀垂愍衆生如來行慈
普濟衆生猶如虛空言無偏獨周一切故往
到曠野鬼王土界就密迹金剛力士舍食佛
大弘志至不可喻無辭可盡若有得蒙如來
講法宣傳道訓決疑之律靡不得安又復世
尊其密迹力士爲有幾事在於平等而逮正
覺最爲至重植衆德本乃能有是妙大辯才
佛言大王是事究竟而不可逮其至德本無
能過上王白佛言實爲至真種其德本故獲
此果若有信者其功德去何佛言大王假使
十方各如江河沙數一一沙尚可知限密迹

金剛力士所見諸佛不可計數盡其崖際供
養奉事緣是行故今積大辯當作是觀皆有
本末說曰佛告王曰乃往過去無央數劫不
可限量尔時有佛号曰息意如來至真等正
覺明行成爲善逝世間解無上士道法御天
人師号佛世尊世界曰選主劫名不移其息
意佛純化一切諸菩薩衆皆令精進言作菩
薩法無懈怠心無厭倦棄身壽命不以爲恠
唯志道法時有菩薩名曰勇力即從座起往
詣息意佛所稽首足下前白佛言如大聖宣
我承解議若有菩薩心自念言我當疾逮無
上正真之道爲最正覺念是菩薩名曰懈怠

所以者何若菩薩不用精進馱患生死不與
此心成佛大道若有菩薩見生死難則見縛
結不至滅度唯化衆生乃成正覺所以者何
唯然世尊菩薩之法普行動修在在生死常
所在處開導利益無量衆生悉令滅度亦無
所教是故世尊菩薩作行宜重生死不敬滅
度菩薩造行重生死已奉無限佛導利開化
無量衆生聞無數法入衆生念所行志性敬
泥洹行重於衆觀便自墮落沒在小節若有
菩薩畏於生死而懷恐難樂泥洹行當作是
觀如是菩薩則爲墮落以無行墮失如來行
於諸衆生則有覺各何謂菩薩而不順行樂

於聲聞緣覺地者自觀其行欲化衆生是故名曰無開士行其行聲聞無菩薩行所以者何諸聲聞行畏生死苦菩薩遊於無量生死不以爲拘時息意如來讚勇力菩薩曰善哉善哉正士仁快說此教言義淳淑菩薩行道捨身之安不捨他人常省己身不求他漏又問何謂菩薩所行佛言族姓子自正已行而爲衆生宣成敗事生死之難受於無量生死之患而無恐懼不樂聲聞緣覺之地習菩薩行不近禪思在於三界曉了禪定分別惡趣習乎方便盡了禪智功德聖慧而不可盡發無生慧爲人班宣一切本無慧無所生知其

所受了諸衆生而無吾我以慧開化一切衆
生曉諸法寂解護諸法暢諸佛土了於一切
自然虛空佛國清淨其慧鮮明以慧聖達一
切法無增益相好入於莊嚴慧無所行因其
奉遵一切德本未曾忘捨少惱甚事有爲衆
生所可造作常行拔難身心恬怕積功累法
無所穢馱興發禪思曉了長寂正定一心方
便覺達深妙之法若以宣布若干品教分別
諸觀護於德果開化聲聞緣覺之律愛樂如
來所解脫業降菩薩行示現如來所行之本
是爲族姓子如來所行之業王當知之介時
勇力菩薩於彼如來所聞說是法所行清淨

復白彼佛甚難世尊至末曾有於今如來至
真之言宣斯菩薩之所應行又復世尊如佛
所說我察解議善權方便是諸菩薩一切諸
法由已所行猶如世尊察於虛空含受一切
十方万物爲一切色顯現已體不可稱計現
包一切有形之類虛空行業已無所礙如是
世尊善權方便是諸菩薩在一切法而得自
在諸學之法及未學法凡夫之法最正覺法
皆悉由之猶如世尊若火所遇草木百穀靡
不被燒菩薩如是於一切法自在所行以智
慧炎燒諸愚冥三界無烟猶如世尊大怒丈
夫瞋恚熾盛逆害他人無所顧難菩薩如是

以權方便自在由已智度無極斷除一切衆
生塵勞猶如世尊清水寶珠著濁水中尋時
清徹菩薩如是以權方便消一切塵三垢穢
濁猶如世尊有大威藥名曰消除若著毒中
消一切毒永無有餘菩薩如是以權方便遊
於一切三界之難執權智業滅去衆生塵勞
愛欲以是之故世尊當作斯觀善權方便是
諸菩薩一切諸法自在已行如是大王勇力
菩薩說是語時不可計人皆發無上正直道
意王欲知之介時勇力菩薩豈異人乎莫造
斯觀所以者何則今密迹金剛力士身是也
此正士身堅強精進被弘誓德無極大鎧魏

魏如是供奉諸佛不可稱限光光若斯無以
爲喻尔時阿闍世王心自念言是密迹金剛
力士所執金剛爲重幾所以承大力謂應執
持乎時密迹金剛力士知王阿闍世心之所
念以持金剛下著地上適置地上三千大千
世界六反震動密迹金剛力士謂王阿闍世
王試舉此時阿闍世王以大力力士力盡勢舉
之而不能搖離地如毛髮時王恠之得未曾
有前白佛言我身世尊有大力士被極異鎧
牽挺大象舉鼻投身在所無礙今日舉此小
金剛杵不能動移大如毛髮時王阿闍世益
用懷疑何故世尊乃如是乎佛言大王是金

剛者入在重德不可用被鎧力及象力而舉
移此也尔時密迹謂天帝釋仁者名号執持
金剛拘翼今日仁者且從地舉此金剛杵時
天帝釋以無限神力極闡神足欲舉其金剛
了不能舉尔時天帝釋前白佛言吾等之身
及諸天俱與阿湏輪闔以一手拍舉維質阿湏
輪所在投之如一圓丸皆令犇馳不知所湊
又是金剛其形小小而不能動乎佛言拘翼
是金剛者入在重德不可以比阿湏輪三百
三十六万里身在所可投於拘翼心所知云
何湏弥山王為重不乎白言甚重世尊不可
計喻佛言拘翼假有勇士大神無極取是金

剛右手執持以是金剛著須彌山邊藏之在中纔現形取俱舉二形須彌山王尚復微輕不如金剛重若天帝釋密迹金剛力士以是金剛擊鐵圍山大鐵圍山及金剛山令碎如塵雖尔正士未盡現力不可喻極

大寶積經卷第十三

卷第十三

鄙舍

上悲反 美反

焯

上云鬼反 下云輒反

損耗

呼告反

舌嗜

神利反

諛諂

上羊朱反 下丑漆反

颺聚

上疋遥反 風也 正作颺

歸

株

音注又朱 姝二音

事

上息殘反 正作鈔

拘羽立

羊力反


犇馳

上布門反 驚也走也

拘翼

上九愚反 下羊

力反天



猪飼順良寄附

